

Ĥatno Cebugro

Kitwa cebugro koraxwa cal ĥatno lašan magwar i barĥo. U cebugrano roĥamwa ġalabe i barĥo w omarwa: "gmagwarno i bartayġi cam u gaboro dbriĥo". Tabtabtab cabər u cebugro lu naqwayġe w mətƒakarwa. U cobo catumo-wa, heš lalyo-wa. Mə dsaləq u yawmo bahiro foĥa dbriĥo. W meĥdo mbalašše a ĥaye: A warde ftəĥĥe a warqatte, wa šafrune bdalle dzəmri, w bu tafo da maye bdalle a baqqat dmbaqbqi. A daboše bdalle dfayri w saymi zumzum w tlawce nafiqi ma naqwatte. "U yawmo u qawyo dkull-yo", mətƒakarle u cebugro, "hiye-yo u ĥatno dƒokoraxno acle lašan li bartayġi". - "Tax acmi", mərle li barĥo, "zano lu qušro du malko di šəmšo!"

U yawmo elo latwayle lebo dgowar cam cebugriĥo nacəmto. Mərlalle "Ono latno hawxa gaboro xan dƒomaĥwe. Kohozutu u caywawo u rabo tam-ho? A caywe inaqla dcəbri bƒamuġi law koĥe biġi dsamno tə-mede. U ĥaylayġi lə-gmakfalleyo. A caywe gabər meni-ne!" Azzən šu caywo. U caywo-ste latwayle lebo dmamĥele cebugriĥo nacəmto. "Zoxu gabi hawa! mərlalle. Hiya gabər ma caywe-yo! Hiya koqəlcolan layko dkəbco!" I hawa-ste l-abico. "Ono latno i gabarto dkull! Koĥozutu i dawmayo tam-ho? Hani ba mowawat dšne koməĥyono eba hawa, lo korəmšo me dukĥa w lo konəflo."

U cebugro azze cam i barĥo ši dawmo w mərlela: Hat rabĥo w qwiĥo-hat! Ma lo kəbcat gawrat i bartayġi"? I dawmo səmla ax w ux w mərla: "ftaĥu aġnayxu w mašəĥu". U cebugro wi barĥo ftəĥĥe aġnaye w mašəĥte. W šəmciwa qolo tabtab, šuxšux, qolo dkətwa iġico alle. I dawmo grəšla ĥašra w mərlalle: "Ĥoru, hani

cebugre-ne! Šato bi šato konəqwi, koḥəfri w koxəldi bgawi. Lo fayəš ġalabe, gmanəflili! A cebugre qwetər ma qurme xašune da dawme rabe-ne!" Xabra-yo, mətfakarle u cebugro. "gabər ma cebugre laytoo bbriṭo!" mərle li barto. Wi barto mnaqelala manne ḥa gaboro w bcaqəl w lo fayet tlaṭ šabe səmme məštuto rabto w basəmta.